

La particularità dl ann de scolina 2021 - 22 ie zënzauter stata la rotazion dla grupes tl'otra sezions.

Nce chëst ann à la scolina scumencià cun na situazion de emergënza per via dl COVID19. Chësc cumporta n grum de restrizions, dantaldut de cuntat danter i mutons y la mutans. Nosta sfida ie ti pitè ai mutons - mutans purempò na forma de giaurida te scolina.

Coche n po' udèi sun l video de prejentazion dla scolina de S. Cristina à uni local n azënt.

La prima sezion à l azënt dla natura y la tlas ie njenieda ca tenian cont de chësc cun n grum de material y lueges de juech che lecorda l ambient y la natura. La segunda sezion à njënia ite la tlas tenian cont de avèi l azënt dla creatività. N grum de material da pastelne y lueges che nvieia a vester creatifs. Tla terza sezion iel l azënt dla matematica y dl material Montessori. Nce te chësta tlas an cialà de njenië ite l plu che la va cun material y lueges de juech che à da nfé cun la matematica y cun l cunzet Montessori.

Per pudèi pitè la rotazion te na maniera tlera y te na maniera che duc posse se nsté bën à dut l personal pedagogich crì na streda cun de plu provedimënc.

Valivé routin per duta la trèi grupes:

Valivon ora vel' routine dla grupes per sauridé la rotazion (p.e. cèrtl da duman - calènder, luegia da taché su i inuemes, cumplì di ani...)



Anjenië ca mutons - mutans y la families ala rotazion te n'otra sezion:

Per via dl stat de emergënza à uni grupa n'otra ntreda. Ulon ti dé ai genitores ndicazions tleres per pudèi dé ju i mutons - mutans senza deficultheies. Pra la sèira di genitores nunzions chësc azënt dl ann. Dan che pion via ti dajons nfurmazions mo plu avisa per mail.



Visualisé te na maniera tlera l azënt dla trëi sezions:

Cialon che dan la trëi sezions vëniel anjenià ca (p.e. sun porta) velch che lecorda l azënt de chëla seziun. I mutons/mutans ma nce l personal pedagogich dëssa se urienté aldò di azënc dla sezions y nia aldò di numeri.



Calënder dl cumprì di ani per duc i mutons - mutans dla scolina:

L calënder dl cumprì di ani de duc i mutons y la mutans dla scolina taca te porte y ie per duc l medemo. Chësc dëssa vester n sëni dla giaurida te scolina respetan la normes de segurëza. I mutons y la mutans a la puscibltà de cunëscer i autri mutons/mutans almanco tres la fotografies.



Mudazion dl verdaroba:

Se tulon dant na gran mudazion tl verdaroba se lascian fé da n tisler na curnisc per la foto de uni mut/muta che po' unì spusteda tla rotazion te n' auter verdaroba.



Team se anjinia ca per la rotazion:

Dut l team dl personal pedagogich se fej pensieres y lëura ora ideies de coche n po' urganisé al miec la rotazion tl' altra sezions.

Son scialdi cuntèntes che on pudù pité ai mutons y ala mutans chësta giaurida te nosta scolina y on pudù usservé da pert di mutons y da pert dla mutans na gran legrëza tl pudëi mudé grupa per n tēmp plu lonch. Da pert di genitores ons ënghe giatà de bon "feedbacks" y chësc nes à fat dassënn plajëi.